

Hugo Aguilar Ortiz

Ti Ministro Hugo Aguilar Ortiz ja' Licenciado, la Xchan Derecho ta chanobvun sbi Universidad Autónoma "Benito Juárez" ta slumal Oaxaca (UABJO). li yabtel ta vun la spas sventa stsutse-o li xchanune ja ti "Epal ta tos k'uyelan chapbil mantaletik: k'uyelan tsakal ta muk'ta vun ti xich' t'ujel spasel ajvalil ta jch'iltik ta slumal Oaxaca. Jech no'ox xtok tsuts yu'un Smaestria sbi Derecho Constitucional te yo'bu chanunajem-onoxe. Yich' ojtikinel yu'un Premio Nacional a la Juventud Indígena ta 2001.

Sk'elobjbal lek stuk'ilal lek yabtel k'uyelan xich' nopel spasel, xchapanel xchiuk spojel k'usitik oy ta yok sk'ob jchi'iltik, k'us oy ta yok sk'ob krixanoetik xchuk ti buch'utik abolsbaik; jech, ojtikinbil ti ta spoj ti k'ustik oy ta yok k'obil ta stojol bu ta muk'ta j-almatal sbi Órganos Jurisdiccionales Federales. Ti yabtele ta sa' k'uyelan stak' ach' pasel xchapbenal k'op, tsakbil ta venta ti k'ustik oy ta yok k'obil xchiuk ti oy k'usi bats'i melel sk'an pasel, ti k'uyelan jbatik, tsakalotik ta venta jkotoltik, ich'el ta muk' k'usitik x-ayan ta banamil.

La slikes yabtel sventa jteklumetik ta 1989, ti k'usi ta spase ja' ta xkoltavan ta Delegación de la Procuraduría para la Defensa del Indígena ta Tlaxiaco, Oaxaca. Ta 1996 xchiuk 2010 koltavan spojel xchiuk xchapanel banamil ta stojol 25 comunidadetik yu'un jchi'laktik; te no'ox ta ja'vil xtok la yalbe k'usitik stak' spasik munisipioetik sventa xchap sk'opik ta st'ujel tajimol ta ajvalilal, te tsakal k'uyelan chal ti Sistemas Normativos Indígenas (K'uyelan Kuxlejal Chapanbail) ja' jech xtok li k'ustik chal jujot ti xchapanel k'opetik ta kuxlejal yu'un jchi'laktik xchiuk ti k'us chal sventa xchapanel k'op ta ajvalil.

La stsak yabtel ta snail sk'elel xchapanel k'opetik yu'un Servicios del Pueblo Mixe (SERmixe) ta octubre 1996, ja' la slikesbal k'uyelan stak' abtelanelbal muk'ta almantaletik sventa lek xchapel k'epetik; ja' koltavan svulel xchiuk xchapel sts'ibael muk'ta almantaletik k'ustik oy ta yok sk'ob sventa xkuxlejal jchi'laktik ti Ejército Zapatista de Liberación Nacional (EZLN) ko'ol jech ta ja'vil k'ot ta pasel ta yual noviembre. Ta 2001 xchiuk 2002 la skolta xchapanel k'op ta 27 munisipioetik sventa mu xich' tsakel ta muk' ach' mataliletik abal lek k'elbil ti k'ustik oy ta yok k'obil ta stojol jchi'laktik ta stojol SCJN; ta 2006 la skoltasba ta 6 munisipioetik ta xchapanel sventa mu'yuk xich' tsakel ta muk' k'ustik oy ta yok sk'obik jchi'laktik tey tsakal ta muk'ta almantal ta Radio xchiuk television.

Abtejem yu'un ajvalil ta jteklumetik, ta jlumatik xchiuk ta yan lum. Abtejem ta snail sbi Oficina del Alto Comisionado para los Derechos Humanos en México. Ta 2011 k'alal ta 2015 ak'bat spas yabtel yu'un Secretario Derechos Indígenas yu'un Gobierno del Estado de Oaxaca. Ta 2016 xchiuk 2018 ja' la yich' ta venta snail Dirección Ejecutiva yu'un Sistemas Normativos Indígenas yu'un Instituto Estatal Electoral xchiuk Participación Ciudadana ta Oaxaca. Ta 2018, la stsak yabtel ta Coordinación de Derechos Indígenas del Instituto Nacional de Pueblos Indígenas, ja' te la spas, la sk'el vunetik sventa slikesel ach' muk'ta almatal sventa k'ustik oy ta yok k'obil ta stojol jchi'laktik xchiuk ti afromexikanoetike (sts'unobal krixanoetik likemiltal ta yan banamil)

Ep la yak'an slo'il ta universidadetik li' ta slumaltik, achiuk ta snailtak ta sna jlumatik yo'bu xchanel k'opetik sbi Tribunales de Justicia. Ti k'ustik ya'yeje ja' ti k'uyelan oy ta yok k'obil ta banamil, k'usitik ta yok jk'obtik jtuktik, k'us oy ta yok jk'obtik te tsakal ta muk'ta al mantavun, xchiuk k'ueyan epal xchanel k'opetik. Ti k'usitik yak'anoj ta ilele ja: "Xich' tsakel ta muk' ta almantalil vun xchiuk oyuk yip ti K'uyelan sna' Xchansbaike ti Jchi'laktik ta slumal Mexico" (2008) xchiuk "K'uyela kuxlejal ta tsombail: ja' jun chi'iltik sventa chkoltavan mu oyuk k'op tael ta st'ujel, ta tajinel sventa spasel ajvalilal ta munisipioetik yu'un Oaxaca", xchiuk oy spasoj jun vun libro sbi Spasel ajvalil (ta) la epal kuxlejal: ak'el a'yejal yu'un jchi'laktik ta América Latina. Stsakelbal sk'eel spasel xchapel ta ko'ol-yabtanel" (2008).